

KAMAV

KAMAV

- o kham te asal

KAMAV


- le čoneha te khelel

KAMAV

- le čerchenendar te phučel
so le Romen užarel.

KAMAV

- balvaj avke šukares
te phurdel, kaj o Roma paš late
šaj te pobešen, gil'aha, khel'ibnaha
thaj
asabnaha, peskere dromenca te
džan.



KAMAV

- Le Devlastar na but,
ča me phundravel le
parnenge o jakha, choc te na o jilo.

KAMAV

- u te dikhen save sam
Manuša sar the jon,
dukhada the lošande jileha
džaha lenca kijo suntno Del.
Sar manuš manušeha
oda

KAMAV!

Jan Horvath
Čehia

